



Broj: 11-16.6-1493-5-2/17

Datum: 28.04.2017. godine

Na temelju člana 64. stav (1) tačka b), člana 70. stava (1), (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku u skladu sa Zapisnikom o ocjeni ponuda broj: 11-16.6-1493-4/17 od 28.04.2017. godine, u postupku javne nabavke usluge iz Aneksa II dio B Zakona o javnim nabavkama usluge za lot 2-Hotelski smještaj Sarajevo, v.d. direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

1. Pripisuje se preporuka Komisije za javne nabavke u skladu sa Zapisnikom o ocjeni konačnih ponuda broj: 11-16.6-1493-4/17 od 28.04.2017. godine, te se ugovor za javnu nabavku usluge za lot 2: Hotelski smještaj Sarajevo dodjeljuje hotelu Espana doo Istočno Sarajevo za ponudenu cijenu **9.739,05 KM bez PDV-a**, odnosno **11.335,00 KM s PDV-om**.
2. Prijedlog ugovora o nabavci dostavit će se na potpis izabranim ponuđačima, po proteku roka od **10 dana**, računajući od dana kada su svi ponuđači obaviješteni o izboru najpovoljnijeg ponuđača.
3. Za izvršenje ove odluke zadužuje se Sektor za pravne i opšte poslove i Sektor za finansijske poslove.
4. Ova odluka objavit će se na web-stranici www.almbih.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa zapisnikom o ocjeni ponuda u skladu sa članom 65. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1493-1/17 od 24.03.2017. godine. Javna nabavka je provedena postupkom nabavke usluga iz Aneksa II dio B Zakona o javnim nabavkama. Poziv za dostavljanje ponuda je objavljen na web-stranici Agencije.

Komisija za javnu nabavku imenovana je Odlukom broj: 11-16.6-1493-2/17 od 24.03.2017. godine.

Komisija je na prvom sastanku analizirala iskazane zahtjeve za učešće u ovom postupku uz dostavljanje pozivom traženih kvalifikacionih dokaza, te utvrdila da su ponuđači za lot 2 kvalifikovani i dostavila im zahtjev za dostavu konačne ponude, popunjavanjem obrasca za cijenu ponude i nacrtu ugovora do 24.04.2017. godine do 12:00.

Ponude za lot 2-hotelski smještaj Sarajevo su blagovremeno dostavili slijedeći ponuđači:

Redni broj	Ponuđač	Ponuđeni iznos bez PDV-a
1.	Bosnia hotel Sarajevo	14.426,92
2.	Hotel Espana Istočno Sarajevo	9.739,05

Analizom dostavljenih ponuda, utvrđeno je da su blagovremeno pristigle ponude uredno zapečaćene i zatvorene, kao i da su formalno-pravno potpune prema traženom zahtjevu.

Analizom dostavljenih ponuda za lot 2-hotelski smještaj Sarajevo, utvrđeno je da je ponuda hotela Espana niža za više od 20% od ponude drugoplasiranog ponuđača Bosnia hotel Sarajevo, te je stoga primjenom člana člana 66. stav (1) Zakona o javnim nabavkama („Službeni glasnik Bosne i Hercegovine“, broj 39/14) u vezi sa članom 17. stav (7) Uputstva za pripremu tenderske dokumentacije („Službeni glasnik Bosne i Hercegovine“, broj 90/14) od ponuđača hotel Espana doo Istočno Sarajevo zatraženo pojašnjenje neprirодно niske cijene. Ponuđač je blagovremeno dostavio obrazloženje u kom je naveo da su cijene formirali u skladu s činjenicom da su relativno novi na tržištu (otvoreni 2013. godine), te da je namjera razvoja i privlačenja poslovne klijentele razlog formiranja cijena na način kako je navedeno u važećem cjenovniku usluga, a koji je također bio osnov za formiranje ponude za ovaj postupak nabavke. Zbog lokacije hotela i želje da budu konkurentni hotelima u centru grada, cijene su niže i pristupačnije.

Komisija je ocijenila obrazloženje hotela Espana prihvatljivim, te je pristupila konačnoj analizi dostavljenih ponuda. Komisija je potom ocijenila ponude u pogledu dostavljene cijene i sačinila listu ponuđača, kako slijedi:

Redni broj	Ponuđač	Ponuđeni iznos bez PDV-a	Broj bodova
1.	Hotel Espana	9.739,05	100
2.	Hotel Bosnia	14.426,92	67,50

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke
3. Sektoru za finansijske poslove
4. Sektoru za pravne i opšte poslove
5. web-stranica
6. a/a

V. D. DIREKTOR
dr Aleksandar Zolak

